



**Kalaallit Nunaanni pinerluttulerinermik Inatsimmik aamma Kalaallit Nunaanni eqqartuussisarnermik inatsimmik allanngineq pillugu Inatsisissatut siunnersuut (Covid-19-imik il.il. tunillaassuunnerit pinaveersaartinniarlugit akiorniarlugillu Iliuusissanik atorunnaarsitsinissaq pillugu immikkut piumasagaatit atorunnaarsinneqaarnissaannut aalajangersakkap atorunnaarsinneqarnera) pillugu Inatsisartut aalajangiiffigisassaattut siunnersut**

(Ineqarnermut, Attaveqarnermut, Aatsitassanut, Inatsisit Atuutsinneqarneranut Naligiissitaanermullu Naalakkersuisoq)  
(Siullermeerneqarnera)

Qularutissaanngitsumik uppernarsarsinnaavarput, Kalaallit Nunaat coronavirusimut tunillaassuunnerup pitsaaliorneqarnerani iluatsitserujussuarsimagatta. Paasinarsisimavoq COVID-19-imut suleriuseq pitsaasoq aallaqqaataaniilli, 2020-imi siusissukku killilersuinernik aallartitsisimaneq, nunarsuup sinnerata paasinissaanut, aammalu nualluutip ulluinnatsinnut imaannaanngitsumik ajoqutaasinnaanerata misillittagaqarfigilerneranut.

Upalungaarsimanissamut pilersaarusiorneq akiuussutissanillu innuttaasunut tamanut neqeroornissaq pisariaqarsimavoq ammaaqqinnissamut pilersaarutip sivirusumik utaqqisaasimasup nalunaarutiginnissanut. Tamanna utaqqisinnaanermik misilinneqaatigisimavarput. Qularutissaanngitsumik aaliangersakkanut paasiuminaatsitaqarneq piusimavoq, aamma pakatsinermik kinguneqarsimasoq. Pissusissamisoorpoq, inuttut paasiuminaatsitatsinnut qisuariartaratta. Taamaakkaluartorli uagut aamma Demokraatiniit ammaaqqinnissamut pilersaarutit pitsaanerusumik nalunaarutigineqarnissaat isumalluarfigisimagaluarparput siumut pisussanik nalunaaruteqarnissaq ilimagisimagaluaratsigu innuttaasullu oqariartorfigalugit, inuiaqatigiinnut peruluutaasinnaasumik nunap iluani illoqarfiillu akornanni ataatsimoornermik ilikkagaqarsimalluta.

Taamatut oqareerluta Demokraatiniit Kalaallit Nunaanni Pinerluttulerinermi inatsisimmi iliuusissanik unitsitsinissaq isumakulunnermik pilersitsivoq. Naalakkersuisut allaaseraat, danskit nappaatinut tunillaassuuttunut inatsisaanni § 12 d, imm. 3 Kalaallit Nunaanni inatsisinut tulluussarneqartariaqassasoq. Isumakuluutigineqarpoq, uagut Kalaallit Nunaanni ersarissumik nunatut, inoqassutsikkut, piorsarsimassutsikkut ataqatigiinnikkullu amerlasoorpassuartigut allaanerunerput. Tamanna ersarissumik iluaqutaasimavoq COVID19-ip siammatsaaliornissaanut atasumik, sunniuteqarluartumik illoqarfiit tamakkerlugit ilaannakorlugilluunniit aammalu avatangiisit allat matuneqartarsimammata. Taamaattumik erseqqissaatigissavarput, inatsisit tamarmik issuarneqarsinnaannginnerat taamaattumillu eqqummaariffigissallutigu allaffissornikkut aningaasartuutit – minnerunngitsumik nunatsinni suut piviusunngortinnissaanut tulluarnerunersut.

Taamaattumik tamatta siuttuussaagut qulakkeerniarlugu, qanoq politikikkut isumaqarnerpaanik isummissanerluta, inuiaqatigiinni innuttaasunut pitsaanerpaamik kinguneqartussanik, imaanngitsaq



Danmarkimiit, tassalu eqqartuussisoqarnikkut, aaliangersakkamik sanaannarluni kalaallinut atuuttussamik. Taamaattumik siuttuussaagut ima, ukiuni kingulliunerusuni conorap akiorniarneqarneranut misilittagarilersimasagut atornerisigut, aammalu uagut politiit tungaanniit Naalagaaffeqatigiinnerup iluani suleqatigiinneq qanoq sakkortusarsinnaaneripput.

Taamatut paasinnilluta Inatsiseqarnermut ataatsimiititaliamut siunnersuutip oqaluuserineqarnissaa innersuussutigaaqput.